

四部叢刊續編經部

禮記要義

二

卷十四至卷三十三

據商務印書館一九三四年版重印

---

四部叢刊續編（八一九）

禮記要義（二冊） 宋魏了翁撰

上海書店印行

上海福州路四二四號

上海影印廠印刷

---

禮記要義卷第十四

明堂位

鄭氏以周公稱天子稱王

昔者周公朝諸侯于明堂之位天子負斧依南  
鄉而立注云周公攝王位以明堂之禮儀朝諸  
侯也不於宗廟辟王也天子周公也負之言背  
也斧依爲斧文屏風於戶牖之間周公於前立  
焉正義曰以周公朝諸侯居天子位故云天子  
周公也故大誥云王若曰鄭云王謂周公居攝  
命大事則權稱王也王肅以爲稱成王命故稱

王與鄭異也王肅以家語之文武王崩成王年十三鄭康成用衛宏之說武王崩時成王年十歲與王肅異也

明堂更無重門但有應門

正門謂之應門者以明堂更無重門非路門外之應門以爾雅釋宮云正門謂之應門李巡云宮中南嚮大門應門也應是當也以當朝正門故謂之應門但天子宫內有路寢故應門之內有路門明堂既無路寢故無路門及以外諸門

但有應門耳云二宿師諸侯而入者案顧命畢公率東方諸侯入應門右召公率西方諸侯入應門左是也

三 孔鄭論成王之年不同

周公制禮攝政孔鄭不同孔以武王崩成王年十三至明年攝政管叔等流言故金縢云武王既喪管叔及其群弟流言於國曰公將不利於孺子時成王年十四即位攝政之元年周公東征管蔡後二年克之故金縢云周公居東二年

則罪人斯得除徃年時成王年十六攝政之三年也故詩序云周公東征三年而歸攝政七年營洛邑封康叔而致政時成王年二十故孔注洛誥以時成王年二十是也鄭則以爲武王崩成王年十歲周書以武王十二月崩至成王年十二十二月喪畢成王將即位稱已小求攝周公將代之管蔡等流言周公懼之辭居東都故金縢云武王旣喪管叔等流言周公乃告二公曰我之不辟無以告我先王旣喪謂喪服除辟

四

孔染不  
釋罪人  
爲誰孔

謂辟居東都時成王年十三明年成王盡執拘  
周公屬黨故金縢云周公居東二年則罪人斯  
得罪人謂周公屬黨也時成王年十四至明年  
秋大熟有雷風之異故鄭注金縢云秋大熟謂  
二年之後明年秋迎周公而反反則居攝之元

叔及諸

年時成王年十五書傳所謂一年救亂明年誅

叛逆者

武庚管蔡等書傳所謂二年克殷明年自奄而

還書傳所謂三年踐奄四年封康叔書傳所謂  
四年建侯衛時成王年十八也故康誥云孟侯

書傳云天子大子十八稱孟侯明年營洛邑故書傳云五年營成周六年制禮作樂七年致政於成王時成王年二十一明年乃即政時年十二也禮既鄭學故具詳焉

**五**魯受上公之封加附庸凡方七百里

是以封周公於曲阜地方七百里革車千乘注云曲阜魯地上公之封地方五百里加魯以四等之附庸方百里者二十四并五五二十五積四十九開方之得七百里革車兵車也兵車千

乘成國之賦也詩魯頌曰王謂叔父建爾元子  
俾侯于魯大啓爾宇爲周室輔乃命魯公俾侯  
于東錫之山川土田附庸又曰公車千乘朱英  
綠縢正義曰案費誓序云魯侯伯禽宅曲阜又  
案定四年左傳封於少皞之虛臣瓊注漢書云  
魯城內有曲阜逶迤長八九里云加魯以四等  
之附庸者魯受上公五百里之封又加四等附  
庸四等謂侯伯子男也案大司徒注云公無附  
庸侯附庸九同伯附庸七同子附庸五同男附

庸三同摠爲二十四同同謂百里也旣受五百里之封五五二十五爲二十五同又加二十四同故云積四十九開方計之得七百里云兵車千乘成國之賦也者案左傳云成國不過半天子之軍案論語千乘之賦居地方三百二十六里有畸諸侯之地三百里而下未成國也公則五百里侯四百里計地餘有千乘故謂之成國

六 魯郊以孟春建子之月

是以魯君孟春乘大路載弧韁旂十有二旒日

月之章祀帝于郊配以后稷天子之禮也注云  
孟春建子之月魯之始郊日以至大路殷之祭  
天車也弧旌旗所以張幅也其衣曰羈天子之  
旌旗畫日月帝謂蒼帝靈威仰也昊天上帝魯  
不祭

七 魯夫人得服王后之上服

君卷冕立于阼夫人副緝立于房中注云副首  
飾也今之步搖是也詩云副笄六珈周禮追師  
掌王后之首服爲副緝王后之上服唯魯及王

者之後夫人服之諸侯夫人則自揄翟而下

八 天子之廟飾

山節藻棁復廟重檐刮檻達鄉反坫出尊崇玷  
康圭疏屏天子之廟飾也注云山節刻欂盧爲  
山也藻棁畫侏儒柱爲藻文也復廟重屋也重  
檐重承壁材也刮刮摩也鄉牖屬謂夾戶窓也  
每室八竈爲四達反坫反爵之坫也出尊當尊  
南也唯兩君爲好既獻反爵於其上禮君尊于  
兩楹之間崇高也康讀爲亢龍之亢又爲高坫

亢所受圭奠于上焉屏謂之樹令浮思也刻之爲雲氣蟲獸如今闕上爲之矣

九 文世室武世室

魯公之廟文世室也武公之廟武世室也注云此二廟象周有文王武王之廟也世室者不毀之名也魯公伯禽也武公伯禽之玄孫也名敖

十 記魯禮者近誣

是故魯皇禮也天下傳之久矣君臣未嘗相弑也禮樂刑法政俗未嘗相變也天下以爲有道

之國是故天下資禮樂焉注云王禮天子之禮也傳傳世也資取也此蓋盛周公之德耳春秋時魯三君弑又士之有謀由莊公始婦人髽而弔始於臺駘云君臣未嘗相弑政俗未嘗相變亦近誣矣

十 魯常以春朝闕春祭

正義曰云魯在東方者朝恒用春當朝之年以朝闕祭云王東巡守以春者鄭旼明朝時闕春祭又明王巡守之時魯亦闕春祭巡守在於二

月不於正月祭者皇氏云諸侯預前待於竟故不得正月祭也

十一 魯不得盡如天子之禮

正義曰言廟及門如天子之制也者謂制度高大如似天子耳不必事事皆同故前文祭天不得祭圓丘又郊特牲祭天服袞冕不服大裘是不得盡如天子記者美之云天子之禮耳是知魯之大廟不可一一似明堂也云天子五門臯庫雉應路者此經云天子臯門天子應門是天

子有臯門應門顧命有畢門畢門則路門也是  
天子有路門此經魯有庫門雉門明天子亦有  
五門云魯有庫雉路則諸侯三門與者此經有  
庫門雉門又檀弓云魯莊公之喪既葬而經不  
入庫門定二年雉門災是魯有庫雉則又有路  
門可知魯既有三門則餘諸侯亦有三門故云  
諸侯三門與但其餘諸侯有臯門應門及路門  
也

三 蒲勺刻勺爲鳬頭

周以蒲勺者皇氏云蒲謂合蒲當刻勺爲鳬頭其口微開如蒲草本合而未微開也

四  
美武世室非實辭

正義曰案成六年立武宮公羊左氏並譏之不宜立也又武公之廟立在武公卒後其廟不毀在成公之時此記所云美成王褒崇魯國而已云武公之廟武世室者作記之人因成王褒魯遂盛美魯家之事因武公其廟不毀遂連文而美之非實辭也故下云君臣未嘗相弑禮樂刑